

清·方略館 編

清代 方略 全書

北京圖書館出版社



清代方略全書

一五九

清·方略館編

北京圖書館出版社

欽定剿平捻匪方略卷一百九十

癸亥年



五月十四日

己未

張之萬毛昶熙奏言汝甯巨捻

向以陳大喜張鳳林爲首自陳寨攻克後惟張

岡老巢牆峻濠深爲衆匪聚集之所本年正月

閒張鳳林捻斬後餘黨盤踞寨內汝甯各屬捻

首陸續遁入意圖死灰復燃若不速籌攻克恐

將復肆蔓延臣毛昶熙現駐前敵督隊圍攻並

調附近團練挑挖長濠臣張之萬所部各隊亦
飭總兵張曜帶赴張岡會剿此時該寨四面合
圍賊勢日形窮蹙未便遽行撤動歸陳一帶已
檄該處地方文武整集兵練嚴密巡防並令將
苗逆情形隨時馳報刻下尙無警信擬俟張岡
攻克後再行移師陳宋第軍情瞬息變易儻張
岡未克而歸陳告警臣等亦酌量帶兵星馳前

往斷不敢拘執成見貽誤事機
張之萬毛鴻熙又奏言據光州固始各州縣稟
報四月二十四日突有大股捻匪由六安州境
竄入固始之黎家集一帶沿途割麥而食固始
縣知縣陳贊選會同都司劉鴻增一軍馳剿探
知該匪因閭境團練大起不敢停喘由光固邊
境奔竄二十七八等日步賊由光州東二十餘

里之林家寨過河西擾騎賊竄至州南茶菴等處據獲賊供稱該匪前由光山南竄麻城黃陂廣濟各縣復由潛山太湖一帶折竄北鑪橋分爲兩股其陳大禧張小閻旺周坤一股已投粵匪此股有四老砍及陳大禧弟姪在內苗沛霖約令合夥因恐乏食是以仍竄豫境等語查該匪行蹤飄忽非回竄蒙亳卽圖擾宛汝此時張

岡之圍正在喫緊各軍未便撤調賊若西趨則
前敵各營勢將掣動且光固邊境苗黨環伏亦
宜防其勾結現由臣張之萬飛飭副將孫之友
率領所部馬步馳往光息一帶與劉鴻增一軍
合力堵剿臣毛昶熙仍督飭前敵各軍將張岡
賊寨迅圖攻拔並隨時確探南路賊情相機策
應

應
又奏言
劉
苗
黨
果
谷
散
難
目
計
林

張之萬又奏言皖省毗連豫界各州縣巨捻林立騎賊剽疾異常我軍步隊紆徐何能抵禦張總愚程大老砍等股聞在亳州境內裝旗如僧格林沁一軍南來較速或可早圖撲滅否則前此降衆復爲煽動必思仍竄豫垣頃據光州固始兩州縣稟稱前由楚竄皖之捻勾結髮逆紛紛回竄豫省張岡甫經合圍又須分兵迎剿勝

負不敢逆料目下豫省額設馬兵久無一馬卽
使有馬非大加訓練亦與現有之馬勇同屬無
用屢接河北探報知近畿一帶逆匪漸次蕩平
直隸所調馬隊較多似可少爲分撥合無仰懇
天恩飭下親王僧格林沁直隸督臣劉長佑將現留
東三省馬隊酌撥四五百騎迅派得力將弁管
帶來豫以期痛掃逆氛

大恩

張之萬又奏言已革副將盧得勝前經總兵余際昌稟請暫緩提審仍令帶兵剿賊立功贖罪數月來隨同該總兵追剿各路竄匪尙有勞績至余際昌陣亡後所部弁勇均經臣調回郡城點驗歸伍獨盧得勝匿未來見飭查各營均未知其去向查該副將本係查辦之員經余際昌稟留帶隊宜如何奮激圖報乃此次主將陣亡

該革員不能援救業已咎無可辭又復匿跡遠
颺實屬不遵軍令應請
旨將已革副將盧得勝嚴拏務獲發往新疆充當苦
差遇赦不赦以肅軍律奏入
上命議政王軍機大臣傳諭張之萬毛昶熙曰汝甯
各屬捻首遁入張岡負嵎死拒毛昶熙督隊圍攻
張之萬所部各隊飭張曜帶赴張岡會剿現將該

寨四面合圍卽著張之萬等嚴督各將弁併力攻克務將兇悍死黨悉數殲除勿任突圍他竄歸陳等處防務卽知照袁甲三袁保恆督同該鎮道等妥爲經理儻有警信再行酌量移紮捻匪由光固邊境竄至林家寨過河西擾該匪行蹤飄忽非同回竄蒙臺卽圖擾宛汝張之萬已派副將孫之友率領馬步馳往光息一帶著飭確探賊蹤與劉鴻增

一軍會合堵剿勿令竄擾完善地方已革副將盧
得勝本係奉旨查辦之員經余際昌暫留帶隊復
因主將失利匿跡遠颺實屬目無法紀該撫等請
發往新疆殊覺輕縱著卽飛咨湖北督撫嚴拏務
獲卽行正法以肅軍律所請飭僧格林沁等撥馬
隊四五百騎赴豫追剿本日已諭僧格林沁劉長
佑酌量調派俟到豫後妥爲調遣

上又命議政王軍機大臣傳諭僧格林沁劉長佑曰
據張之萬奏皖省毗連豫界各州縣巨捻林立騎
賊剽疾步隊不能抵禦馬勇又不可恃現探由楚
竄皖之捻勾結髮逆回竄豫省勝負實無把握等
語所奏尙屬實情僧格林沁督師東省馬隊本不
敷分撥恆齡蘇克金各帶所部到直更以分而見
單何能輕議抽調惟河南軍情喫緊毫捻又紛紛

裝旗光固一帶捻蹤屬至若無得力馬隊追剿兜
擊勢必任令長驅日益蔓延直省現就肅清有恆
齡等所部馬隊已足防剿成保薩薩布所統京營
馬隊尙稱精壯惟未久經戰陣以致不能卽成勁
旅此項京兵素爲僧格林沁所深悉若隸該大臣
軍營俾得厯練行陣足備折衝之選卽著劉長佑
審度情形將成保等所部馬隊酌撥數百馳赴山

東以便僧格林沁於得力馬隊內抽撥數百名派員帶往河南交張之萬調遣如此一轉移閒於直東兩軍尙無妨礙而於豫省大有裨益該大臣等素能不分畛域卽著通籌大局會商辦理

十五日

庚申

都興阿富明阿奏言粵匪糾合捻匪

竄擾天六等處意在勾結南岸各匪同時並舉

四月二十四至五月初三等日下游君山等處

之賊疊次出撲經總兵吳全美李起高等督船
駛至黃田港口及申夏港口開放槍礮擊斃賊
匪甚多餘衆紛紛敗遁瓜埠賊衆出港紛竄亦
經參將梁正源督帶礮划擊退臣等仍飭吳全
美在下游魏村等處督飭水師嚴密堵剿以防
該逆偷渡其金家集一帶逆匪已由白廟通江
集卸甲店回竄浦口九洑洲惟捻匪自盱眙一